

Hiberniæ V Tabula.

*Continens Udrone Baroniam, partem Comitatus Regine, ac Domini Fertoneii. In Vdronis medio jacet civitas
Laghlyn aliis Leighlyn, in qua est Episcopalis sedes.*

M O M O N I A.

*Regio.
Nomina
Sine.*

L A G E N I Æ succedit in nostra Methodo Momonia, Hibernice *Mown*, Anglice *Mounster* quinta & postrema Hiberniæ pars. Ea Vergivio mari ad Austrum exposita jacet, a Connacia Sineo, a Lagenia Neoro fluvio alicubi discreta: bifariam quondam divisa in Momoniam Occidentalem & Australem. Occidentalem antiquitus habitantur *Gangan*, *Luceni*, *Velabri* & *Uterini*, Australem, *Vdia* sive *Vodia*. Nunc autem in septem Comitatus distribuitur, *Kerryensem* scilicet, *Limiricensem*, *Corcagiensem*, *Triparariensem*, *Sanctæ Crucis*, & *Waterfordiensem*, quorum etiam in numerum *Desmonia* jam accensetur. Holce Comitatus secundum populos quibus a Cosmographo tribuuntur breviter cum Camdeno percurramus. *Gangan* primo loco supra positi ex nominis affinitate iidem cum Concanis Hispaniæ fuisse videntur, quos origine Scythas, sanguinemque equinum potasse (quod non insolens jam pridem silvestribus Hibernicis) testatur Silius,

Et qui Massagetem monstrans feritate parentem,

Corripedis fusa satiariis Concanæ venæ.

Et præter eum Horatius: *Et latum equino sanguine Concanum,*

Kerry (ut nunc vocatur) ad Sinei ostium eorum sedes erat. Regio aviis, & silvestribus montibus ædita, quibus crebræ interfunt valles cavæ nemoribus etiam condensæ. Comitatus Palatini dignitatem, & jura Desmonia Comites in hoc habuere, sed hominum iniquitate, qui libertate uti & noluerunt, & nescierunt, in malorum sentinam, & seditiosorum perfugium jam pridem conversa erat. Hujus regionis mediâ fluviolus nunc anonymus *Trailes* opidulum quodammodo desolatum (ubi Desmonia Comites ædes habuerunt) præterfluens interfecat, quem *Dur* esse Ptolemæi, situs quodammodo innuit. Non procul hinc *Smerovic* statio (sic contracte pro *S. Mari-vvic*) cernitur, ad quam ante annos aliquot cum Giraldus Desmonia Comes vir profunda in Principem & patriam perfidia, scelerate assiduis agrorum vastationibus Momoniam attereret, appulsa est tumultuaria Italorum & Hispanorum manus a Gregorio P.P. & Hispano in ejus auxilium submissa, qui loco hic stativis munito, quem *Fort des Ore* vocarunt, minis cælum terrebant. Sed illustrissimi & bellicosi Baronis Domini Arthuri Grei Proregis adventus, & primus impetus rem decrevit. Protinus enim se dediderunt, & maximam parrem e medio sublatis, quod rebus hujus Regni sic ferentibus, & seditiosis undique imminentibus, consultissimum & tutissimum videbatur. Ipseque Desmonius tandem trepida fuga in vicinas silvas coniectus, jamdudum in tuguriolo ab uno & altero milite irruente primum fauciatus, postea agnitus, capiteque truncatus, perfidia & vastatæ patriæ meritis pœnas dependit. *Ganganis* subjecta est longe lateque ad Austrum *Desmonia*, Hibernis *Dassovun*, Anglis *Desmond*, quondam a tribus infesta populis, *Lucenis* scilicet; *Velabris*, & *Ibernis*, qui

Vierini